

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik Fikret Jašarević, (u daljem tekstu Kupac)

i

DEFTER d.o.o. Sarajevo

Gatačka 20, 71 000 Sarajevo

ID 4200303990007

koga zastupa direktor Refik Redžović (u daljem tekstu: Prodavac)

zaključili su

UGOVOR

o nabavci i isporuci potrepština za potrebe održavanja higijene Kantona Sarajevo

Član 1.

Ovim Ugovorom ugovorne strane utvrđuju prava i obaveze vezana za nabavku i isporuku potrepština za potrebe održavanja higijene iz prodajnog programa prodavca u skladu sa ponudom broj: 723/2020 od 04.11.2020. godine, zaprimljenom pod brojem: 17-11-43347/20 od 04.11.2020. godine (u daljem tekstu: Ponuda), dostavljene po pozivu za ponudom za nabavku i isporuku potrepština za potrebe održavanja higijene Kantona Sarajevo.

Prodavac se obavezuje vršiti prodaju proizvoda iz stava 1. ovog člana Kupcu, a Kupac plaćati iste proizvode prema odredbama ovog Ugovora, a u skladu sa cijenama koje su date u gore navedenoj Ponudi, koja je sastavni dio ovog Ugovora.

Član 2.

Prodavac se obavezuje da će isporuku proizvoda iz tačke 1. ovog Ugovora vršiti **franco skladište Kupca.**

Član 3.

Isporuka proizvoda iz tačke 1. ovog Ugovora vršit će se u roku od jednog (1) dana od dana stupanja na snagu ugovora.

Član 4.

Kvalitativni i kvantitativni prijem proizvoda iz ovog Okvirnog Sporazuma Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po oglasu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 5.

Prodavac je dužan da odmah po dobijanju zapisnika sa utvrđenim nedostacima, provjeri istinitost predloženih navoda i ukoliko se potvrdi tačnost iznesenih argumenata, dužan je

„odmah“ a najduže u roku od 48 sata otkloniti nedostatke (izvršiti zamjenu). Ukoliko to ne učini Kupac zadržava pravo da u roku od 24 sata jednostrano raskine ovaj Ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu. Također, Kupac zadržava pravo jednostranog raskida Ugovor ukoliko se utvrdi da prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog Ugovor.

Član 6.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 7.

Prodavac će fakturisati isporučene proizvode po cijenama iz Ponude prihvaćene po pozivu za nabavku i isporuku predmetne robe. Također, prodavac se obavezuje da će fakture za isporučenu robu ispostaviti u roku od jednog dana od dana isporuke.

Član 8.

Kupac se obavezuje platiti fakturu prodavcu u roku od šezdeset (60) dana od dana prijema fakture.

Član 9

Prodavac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 10.

U slučaju da ugovorna strana ne bi mogla djelomično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu ugovornu stranu. Viša sila su svi uzroci i događaji, na koje ugovorne stranke ne mogu uticati, nisu ih mogle predvidjeti niti spriječiti.

Ako viša sila traje duže vremena, pa je time otežano ili onemogućeno ispunjavanje ugovornih obaveza duže od 90 dana, svaka ugovorna strana može raskinuti ugovor. Ugovorna strana koja snosi posljedice više sile, dužna je na zahtjev druge ugovorne strane dostaviti dokaz o tim posljedicama.

Član 11.

Ugovorne strane su saglasne da će sve izmjene i dopune ovog Ugovora regulisati samo potpisivanjem dodatnog Ugovora, nakon provođenja ZJN propisanih procedura.

Član 12.

Ovaj Ugovor stupa na snagu danom potpisivanja i vrijedi samo u periodu isporuke robe.

Član 13.

Ugovorne strane mogu jednostrano otkazati Ugovor pismenim putem.

Član 14.

Za svê sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 15.

Ovaj Ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:

KANTON SARAJEVO
Stručna služba za zajedničke poslove

Načelnik

Fikret Jašarević



Broj: 17-11-40524-11/20
Datum: 17.11.2020. godine

PRODAVAC:

DEFTER d.o.o.

Direktor

Refik Redžović



Broj: 10243/20
Datum: 17-11-2020